

حقوقى بىلىكلەر مجموعهسى

هر آي صوكنده نشر اولنور

DOCTRINE

نَتَبَعَاتُ

حقوقى فكرلر — RÉFLEXIONS JURIDIQUES

بىلىك مو فضاسى [۱]

«جمهوريت» صوك كونلرده شهر يىمىزك بر سىمتده بلديه چاووشلرينك، قوماندانلرندن هجوم امرى آلمش بر طابور افرادى كې او سىمتك دكانچىسى، صايجىسى، فورونچىسى اوزرينه آتيلهرق بر يىغين جزاى نقدى ضبطنامهلر آلتنده قاصوب قاووردقلرندن تاثرله بحث ايتىمكده و بونا مستعجلاً چاره آرامق لزومنده اصرار ايله مكده ايدى. چاره اولارقده امانتده جزايه چارپديريلان عباداللهك اعتراضلرني ديكلاهه چك درت بش كشيلىك بر هيئتك تاسنى طلب ايله مكده ايدى.

مسئله يى بر پارچه يوكسكدن و علمى جهتن تدقيق ايتسهك كورولور كه موضوع بحث حادثه كوكلشمش بر مرضك طبيعى عوارضندن باشقه برشى دكلدر؛ علت و مرضك عاملى شودر: اداره، يعنى مأمورين هيئتي تمثيل ايتدكلرى حقوق عامه ايله افرادك حقلرى تمارض ايتدكه دائماً و دائماً فردك حقنى كوچوك كورمكده و حائز اولدقلرى قدرتى كندى

[۱] جمهوريت غزته سنك ۱۰۲۴ نومرولو نسخه سنده انتشار ايدن بوباش مقاله بعض قارلرك طلبى اوزرينه بورايه نقل ايدلشدر.

لهلرینه و افراد علیه قوللانمقده فائده و سهولت کورمکده درلر؛ بناء علیه وظیفه اداریه بی ائک قولای بر شکلده ایا ایتک ایچون هم مدعی هم حاکم موقعه کچیورمکده درلر.

بوده نیت، خلّجیلق نظریه لرینک، خلّجیلق سیاستک عمده اولارق قبولندن سوکره بر طرف ایدیلر سی امیدنی بسله مک مقتضی ایکن ینه تعلیماتنامه لرده و قانونلرده ایزلرینک تکثر ایتدیکنی کوروپورز.

اولا قبول ایدلم که مثلاً بلدیهره ودها طوغریسی بلدی چاوشلرینه حق قضا بخش ایدن ذهینت، بو طریق ایله ده مملکت خدمت ایدلرکنه قانع اولان بر ذهینتدر. آنجا حق قضا، اداری مسائلده محاکمه ترک ایدیلر سه، اداره مک دوچار مشکلات و عطالت اولاجنی فرض ایتدکلرندن، حق دولتی صیانت ایچون، افرادک حقوقنی اهلدن چکینمه یورلر. فقط مسئله تعمیق ایدلسه، بو مطالعه مک یا کلس بر فرضیه مک مولودی اولدینی قولایجه آکلاشیلر.

اولاً سرعت ایله حق، تعارض ایتدکه حق سرعت فدا ایتکه هیچ بر صورتله مساع اولاماز. سوکره حق دنیلن مقدس مفهوم جهتندن - اختلاف حدوتی حالنده - دولت ایله فرد آراسنده هیچ بر فرق یوقدر. بناء علیه اداره مک هم مدعی، هم حاکم موقعنده بولونمسی قدر حق و عدالت مفهومیله تضاد تشکیل ایدجهک بر حال متصور دکدر. جماعتی تمثیل ایدن، حقوق عامه مؤسسه لرینی اداره ایدن هیئتک قانون دائره سنده، افراددن فدا کارلقلرده بولونمالرینی، مملکتک مدافعه سی ایچون، منافع عمومیه ایچون، حق لرنندن بر قسمنی فدا ایتلرینی ایسته مک صلاحیتدار اولدینی قبول ایدرم، عکس تقدیرده، دولت، دولت اولاماز. فقط منافع عمومیه و مدافعه مملکت کبی فوق العاده حاللرک چرچیه سندن چیقدیغمز کبی دیگر خصوصانده کی اختلافلرده دولت ایله افراد قانون نظرینده مساویدر. بو اختلافلرک حلّی دخی - ینه قوه اجرائیه مک اجزاسندن بولونان، فقط مستقل و متخصص ماهیتی اعتباریه طرفینه امنیت بخش ایدن - صرف عدلیه و کالتنه مربوط محاکمه طأددر.

معلومدر که هر طبقه مک، هر صنفک کندیلرینه مخصوص بر ذهینتی بولئور. بناء علیه فرضاً ویرکولره اعتراض ایدن مکلفلرک تدقیق اعتراضلری ایچون متشکل قومیسوئنده - مرافعه و علینتدن عاری بر شکلده اولارق - بالکیز مالی و ملکی مأمورلر، یعنی تحصیلانک

فضله وسريع يا تاسسند. علاقه دار اولان مأمور لر بولونورسه مكلفك حقى محفوظ عد ايديليرمى ؟

صوك زمانلرده كي قانونلرده حق قضايى پارچه لاق ميللى فضله كوزه چارچور. بوتون قانونلرى كوزدن كچيرمك، باخصوص كوندك غزته ده منتشر بر مقاله نك حجه كيره مز؛ مع هذا بر قاج مثال كتيره لم :

قازانچ وركيسى قانونك ۹ نجى ماده سنه كوره ميعاندن بيا نامه سنى ورمه ين مكلفلردن، اوچنجى دفعه سنده وركى بش قات اولارق تحصيل اولونور. فقط مالىه وكالتى ايسترسه بش قات وركى ريئه تجارتكاهى آلتى آى مدته سد ايدور. محكمه يه مراجعتله سد ايتديرر ظن اتمه ييكز. بو، معقول بر ايش اولوردى ، احتياظه رعایت ايچون بو بابه هيچ بر شبه حاصل اولماسون ديه ماده ده « بلا حكم » سد ايتديريله چكى تصريح ايدلشدر. بو ، « بلا حكم » تعبيرنك بر خلق حكومتك اصدار ايتديكى بر قانونده نه آجى بر معناسى واردر! اداره ، قورقويور كه ايش بي طرف حاكمه كيده رسه ، بلكه سدى موافق بولماز! عادتاً عدليه قارشى اجرا قوتك بر جزئى اولان مالىه هئىتى اعتماد سزلكنى رسماً قانونك لسانيه اعلان ايديلور ! غريبي شودر كه عيى قانونده - طوغروسنى سويله مك لازم - تام عكسى ذهنيته دخى كوزه چاربار! مثلا دفاترينى منتظم طوتمان تاجردن اون ليرالق بر جزاي نقدي تحصيل اتمسى ايچون جهت مالىه يي صلح محكمه سنه مراجعته عيى قانونك ۶۹ نجى ماده سى مجبور طوتمقده در. اون ليرا جزا ايچون حكم حاكم آرايان مالىه هئىتى، بر تاجرى محو ايدوبيلن واونكله علاقه دار اولان ومسئله ده قباحتى بولونمايان دانشلرى دخى اضرار ايدن سد قضيه سى ايچون صراحة محكمه نك حكمندن قاچينه سى غريب دكيدر؟ بو، نعلسه بويله كچمش بر ذهول اولاجق. يوقسه اهالى نك حقوقه فطرعايتله متميز اولان محترم حكومت مز بوكا مساعده ايدوبيليرمى ؟

مسئله يي باشقه بر نظردن تدقيق ايتسه ك كوره جكز كه بو ياكليشدر - و بلا مشكلات اعتراف وقبول ايدورم؛ حسن نيته مقرون اولان بو ياكليشدر - وحدت قضا نظر به سنك لايقيه تقدير ايدلمديكندن ايلرى كيكده در. بوكاده تعجب اتمه ملي ژر. وحدت فكري ، ملتك وحدتى، تدريساتك وحدتى، شو صوك مقدس ملي مجادله نك ، توركللى هيچدن وار ايدن قهرمانلر مصارع سنك محصوليدر، يكي در. وحدته تعارض ايدن جهتلر اوزرينه

دقتی جلب ایتدیکه اصلاح حاله مسارعت ایدیه جکنه هیچ شبهه ایتهمك لازمدر .
 وحدت قضا ، یالکز شرعی محاکمی الفا ایتهمكه تأمین ایدلز . ا کر قضا پارچه لانه رق
 بر قسمی رسوماته ، بر قسمی جهت مالییه ، بر قسمی تجارت اوطلرینه ، وحتی بر پارچه سی
 بلدییه چاووشلرینه احسان ایدیلیرسه وحدت قضا متصور دکلدر . دیگر طرفدن محاکم
 شرعیه الفا ایدلمكه برابر مثلاً اوقاف حقنده کی دعاویده ، تطبیقات قانونك ۸ نجی ماده سینه
 یاکلیش بر معنی ویره رك . ینه احکام فقهیه عیناً اسکی اصول وشکل دائره سنده محاکمه
 تطبیق ایدیلیرسه وحدت قضا موجود عد اولونه ماز . ده ایلرینه وارده جم ؟ قضای
 عدلیك یاننده شورای دولتك محاکم قسمی تأسیس صورتیه مستقل بر قضای اداری
 وجوده کتیریلیرسه ینه قضا وحدتی وارد دینلمز .

شیمدیکي حاله نظراً شورای دولتك تأسیسی صبر سزاقله بکله یوز . فقط شورای دولتك
 محاکمات قسمه غاند اولان جهاتی عدلییه ویرمك الكسپل والک معقول بریولدر . باخصوص
 وحدت قضاتك تأمیننی عمده اتخاذ ایدن بر دولت ایچون الزمدر . فرانسه ده ، صرف
 اسباب تاریخیه دن منبعث اولوب عینی اسبابك بزده موجود اولماسندن ناشی قبوله مجبور
 اولمادیغمز شورای دولت محاکمات قسمی ایله تعدد قضا نظریه سی یرینه آنغلو ساقونلرك
 قبول ایتدکری وحدت قضا اصولی قبوله بزم ایچون هیچ برمانع یوقدر ؟ بالعکس
 فوایدی چوقدر .

باقکمز ؛ بلدییه چاووشلرینك شو جزا یازمالری مسئله سی بزلی نه قدر اوزاق یولاره
 سوق ایتدی ؛ بو بحث اولیه معضل ومهمدر که متبادیاً اوکا رجوع ایتمك لازمدر ؛ بعض
 قیمتی آرقداشلریمك لطف معاونتیه انتشار ایدن « حقوقی بیلکیر » مجموعه سنده بوکا
 دائر اوزون تدقیقات علمیه ده بولونیورز . فقط حیانه دوغرودن دوغرویه تأثیر ایدن
 بو مسئله لر افکار عمومیه نك جولانکاهی اولان کونده لك مطبوعاته کچمه دیکه بر نتیجه
 بکله مك زور اولویور .

بلدییه چاووشلرینك جزای نقدی ضبطلری طومارلی ، رسوماتك مصادره مضبطه لرینك
 احضار ایله اون بش کون ظرفنده علاقه دارلرك سکوتی حالنده ماللرك مصادره ایدلمه سی
 کبی کیفیترك اخلاقی جهتندن ده شایان تدقیق نقطه لری وارد ؛ جزا یازایلن بلدییه چاووشنك
 سمتنده کی رولنی دوشونمك ، مصادره دن اخباریه صورتیه متمم اولاجغنی دوشون رسومات

مأمورینک روحی اسباب حرکتی کوز اوکنده طومتق مشکل دکلدر؛ هیچ اولمازسه
طوتیلان ضبطلرک دوغروجه محکمه ارسالی صورتیله بالحا که مسئلهک تحت حکمه
آلدیریله امکافی متصوردر؛ یعنی نه یاییلیرسه یاییلسون اداره هیئی ضبط ورقهسی محکمه
کودرملی و محکمهک حکمی اجرا ایدله لیدز؛ برآز وقت غائب ایدیلیر؛ فقط حقوق عباد
محفوظ قالیر. قضای پارجالامایلم، قضا آنجا و آنجا حکم ایله مکلف وعدلیه سیدسته منه
داخل اولان حاکم حقیدر. مدافعه مملکت اردویه، تدریس وتعلیم معارفه عائد اولدینی کی.
علیتدن، مراقبه دن محروم، مستقل وبی طرف حاکمدن باشقه مقام طرفدن ویریلن
حکم، عدلی بر حکم دکلدر؛ عادل بر حکمده اولماسی قورقوسی چوق بویو کدر.

زمرت قضایه دأر [۱]

شهرلرک ترقی و عمرانک بر حقیقت اوله بیلیمه سی ایچون بلدی انضباطک مؤمن اولماسی
لزومی ادرک ایدن شارعلر مز بلدیله ره برآز فضلہ قوت ویرمک احتیاجنی حسن ایشلر
ایدی ونظامات بلدییه رعایتسزک نتیجه سنده آلتماسی لازم کلن جزالرک تعین وتحصیلک
اوزون زمانلر سورونجه ده قالماسی بونردن بکلہ نیان تاثیر ی تولدوردیکسندن هم جزای
تعین هم اونی تحصیل خصوصنده بلدیله ره واسع صلاحیت ویرمشلردی؛ عادتاً بو کوچوک
مسائلده بلدی مجلسلرینه وبالفعل بلدی چاووشلرینه حق قضا ویرلش اولدی.

اهمیتسز ظن ایدیلن بو حالک و پرہنسیه رعایتسزلیکک غریب وغریب اولدینی نسبتده
موجب تأثر نتیجه لر تولید ایتدیکنی کورمکده کچیکمدک. بلدی چاووشلری - آغیر سوز
قوللانق ایستئم - بو حق قضای حسن استعمال ایتدیلر؛ افرادک واصنافک شکایاتی
عیوقه چیقدی ولسان مطبوعانه حکومتہ عرض ایدلدی.

شکرانه قید ایتمک لازمدر که حکومت مرکزیه قطعاً بوشکایاته یابانچی قالمادی؛
همان ایشی اهمیت مخصوصه ایله نظر اعتبارہ آلہرق مستعجلاناً بقانون تدوین ایتدی؛
مجلسه عرض ایتدی؛ رایہ قویدوروب تصویب وتصدیق ایتدیردی. بلدی چاووشنک
ضبط ورقه سنه وبوکا مستنداً امانت ویا بلدی مجلسنک قرارینه قارشو افرادہ برمرجع

[۱] بوقره دخی جهوریت غزته سنک ۱۱۱۶ نومرولو نسخه سنده باش مقاله اولہرق انتشار

ایتشد.

شکایت و بر محل اعتراض کوسترلدی . بر قاج آی اول تدوین و نشر ایدیان بو قانونده
- قانون نومروسى ۹۵۹ و تاريخى ۱۷ كانون ثانى ۱۹۲۷ در - بلديه چاووشلرينك
طوته جقلى ضبط ورقه لرليك خلافى ثابت اولونجه يه قدر معمول به اوله جنى و بو ضبط
ورقه لرينه استداداً آنجى امانت و مجالس بلديه جه جزائك حكم ايديله جكنى بيان ايله برابر
بومقررائك علاقه دارلره تبليغ اوله جنى و تبليغندن اعتباراً بر هفته ظرفنده اداره هيئته
اعتراضه حق اوله جنى و اعتراض واقع اجرانى تأخير ايدله جكنى تثبيت ايله مكده در .

حكومتك حقوق افرادى صيانه مسارعت ايمسى واساسلى كوردىكى شكائاتى همان
تديقله چاره سنه توسل ايله مى شكرانى جالب احوال دندر . خلق جيلكه مستند بر اداره مك
شو اجرا آتى در كه قبول ايديلن ايسكتك بى معنا بر وصفدن عبارت اولمادى قناعتى
دوغورور . بلديه لره حق قضا بخش ايمكه معطوف اولان بر قانونك تطبيقده كى محذورلى
كوزه چارپيدىنى كې ايلك قناعتده اصرارده اصابت اوله مائه جنى دوشونولش و مستعجلاً
برقانون مخصوص تدوين و نشر ايدلمشدر . محترم حكومه و بو قانونى بر آن اول نشر
ايتدirmek دالالت بويورمش اولان داخله و كالته حصه مزه دوشن وظيفه شكرانى
بوراجقده ايضا ايدىورم .



شو شكران حسلىرى بىكى نشر ايديلن قانونده كوردىكم برذهنىتك تظاهرانى حقنده
ترددلى عرضه مانع اوله مایور . ضابطه بلديه مأمورلرينك ضبط ورقه سى اوزرينه همان
انجمن امانتك ويا مجلس بلديه نك حكم اعطاسيله حكمك اجراسنى و عندالايجاب افرادك
حبسى بولنه كيدلمسى آغير بولان شارعلمز بوكا بر چاره آرايورلر؛ افراده حق اعتراض
ويره لم ده بورلر و مرجع اولقى اوزره محكمه بى وحقى صلح حاكنى كوستره جك یرده
اداره هيئتى ، بزم اسكيدن بيلديكمز مجلس اداره بى ، ارايه ايدىورلر . معلومدر كه حال
حاضرده هيئت اداره بعض اداره رؤساسندن متشكل اولوب قضا ايله نه الفتلى نه ده
اختصاصلى واردر . نه دن بردن بره حاكم موقعه اصعاد ايدىليور ؟ عجا مجلس اداره
ولايت بو تديقاتى هانكى اصول محاكمه كوره رؤيت ايدله جك ؟ علاقه دارى دعوت
ايدله جكمى ؟ مدافعه سنى ديكله يه جكمى ؟ اگر مجلس اداره ولايت يعنى اداره هيئتى يالكنز

اوراق اوزرىنه تدقيق و حكم ايدى جكسه بو وظيفه يى انجمن امانت ك يد صلاحيتدن آلمقده نه فائده تصور ايديلير ؟

افرادى قانون نامه بر جزا و يريله جكى وقت مطلقا ايكي حق طائيق لازمدر ؟ اولاً افرادى مدافعه ده بولنه جقلر ، علناً نه دن بوجزايه مستحق اولمادقلىرى بيان ايدى جكلردر . ثانياً بونى متخصص بر حاكم حضورنده و معين بر اصول محاكمه ك چيزديكى شكلمده يايىلمايدر . بو حقلر طائىمادىنى وقت آرتق حكم صادر اولمايور ، اداره مصلحت نوعندن برقرار تطبيق ايدىليور ديمكدر . اداره هيئتى اعضالىرىك اعطاي حكمدى ، بر مسئله يى تدقيق و تعميقده ، حق آرايوب بولمقده بر صلح حاكمندن ده ا متخصميدير ؟ صلح حاكمى اعتراضى قبول ايدر ؟ طرفىنى دعوت ايدر ؟ اعتراضك اسبابى ديكلر و حكمى وير ؟ معترض كلزسه غيابة محكوم ايدر . دى نيله جك كه بوتون بونلر بر جوق وقت ضياعنه سببىت ويرىلير ! اولاً بويكى قانونك تدويندن مقصد افرادك حقنه حرمتمكار اولق ايسه بر آرز وقت ضايع اتمك بويوك برفلاكت دكلدر . ذاتاً بو قراره اعتراض ايدى جك اولانلر و صوكره محكمه يه قدر كلوب مدافعه ده بولنه جق اولانلر بك چوق دكلدر . صوكره بويكى دعاوى ايچون بك سريع بر اصول محاكمه ثبىت ايدىلير و بويله جه صلح حاكمك قرارى اداره هيئتك قرارلرندن دها چابوق صادر اولور .

بن ، شيمديك نه بلديه چاووشلىرىك طوطدقلىرى ضبط ورقه لىرىك خلافى ثابت اولونجه يه قدر معمول به طوطوله جقلىرى حقنده كى قاعديه اعتراض ايدىيورم ؟ نه ده امانت مجلسك قرار اعطاسنه ايدىشيورم . فقط ده يورم كه مادامكه افرادى برحق شكايىت و يرىيورسكلز . اونك مرجع طبعيى قانون اساسيمز موجبجه صاحب قضا اولان حاكمدر ، ادارى بر مقام دكلدر . اكر ادارى بر مقام ، بلا محاكمه و بلا مرافعه ، قرار ويرى جكسه ها انجمن امانت قرار و يرمش ها اداره هيئتى يعنى مجلس اداره ولايت قرار و يرمش نه فرق وارد ! بن ، صمى صورتده تقدير بابتديكم شو قانون جديدده صوك اعتراض مرجعى اوله رق صلح حاكمى كوسترلمش اوله يدى هم تعقيب ايدىلن غاييه وصول ايچون دها دها منطقى برىول تعقيب ايدىلير همده بر بارچه فضله خير بالا مقده اولديغمز وحدت قضا پرئسدينه حرمتمكار اولمش اولوردق . اداره ك آنجق حق قضايى تحديد صورتيله ممكن اوله جقلى حقنده كى نظريه يى و ذهنيى هضم ايدىمديكم ايچوندر كه بو سطرلرى - تأمين

ایده‌رم که جوق خلوص ایله - قارالادم. بذهنیت، اداره آدملرینک عندالایجاب قانونک فوقنده اجرا آتده بولونمغه مجبور بولونقلرینی ادعا ایدن ذهنیتک ئوز قارداشیدر که برملکیتده قانونی حاکم قیلنمه بویوک برانکل تشکیل ایدر .

دولتک امور اداریه‌سی اونی تمثیل ایدن حقوق عامه مؤسسه‌لرینه عائد وراجعدر ، آمنا ! فقط عینی زمانده حق قضا ، بوتون معناسیله ، بوتون شمولیله ، آنجق و آنجق حاکمکدر .

اصطلاح‌لر

بعض مهم قانونی اصطلاحلرک لزوم تبیینی حقنده یازدیغ فقره‌لرده آوقداشلرک مطالعه‌لرینی علناً التماس ایتمش ایدم . استرحاملرکم اسعاف ایدلمدیکنی کوره‌رک یکان یکان مکتوب یازمق صورتیله بعض محترم مسلکداشلرمدن مطالعه‌لرینی تکرار رجا ایدتم . بک آزلی جواب لطفنده بولوندیلمر . مسئله‌نک اهمیتی ظاهر اولوب فرانسزجه‌یه و قوفلری اولان حرمتلی آووقات و حقوق شناسلریمیزک مجموعه‌نک بورجاسنی لطفاً نظر اعتباره آلمالرینی تکرار رجا ایدرو اولکی لیسته‌ده légitime و illégitime کله‌لری قید ایدلمدیکندن بک مستعمل اولان بو کله‌لرکده موافق مقابللرینک اشعارینی تمی ایلرم . مقابللرینی آوادیغ باشلیجه کله‌لر بونلردر :

Licite, illicite ; Légitime, illégitime ; Juste, droit ; Légal, illégal, légalité; juridique; judiciaire, légiste, juriste jurisconsulte; juridiction; législation.

مکتوبمزه جواب ویرمک لطفنده بولونمیش اولان مدرس محترم قیمتلی مسلکداشمز طاهر بک افندی‌دن آلدیغمز مفید مکتوبی، تشکرات ومنت ایله بورایه درج ایدیورم :

محترم مسلکداشم افندم .

۹۲۷/۵/۲۸ تاریخی تذکره‌ علیه‌لرینه مربوط جدولده مندرج بعض حقوق اصطلاحلرک‌ک موافق تورکجه مقابللرینک اشارت ایدلمسی اشعار بیورلمقده‌در . ترجیح ایلدیکم مقابللری خذالرینه یازدم . بو قیلل اصطلاحاتک تام قارشیلقلرینی

ثبیت ایتک اولدجه مهم بر کیفیتدر. بونی تسلیم ایدرم. بونلردن بعضلرینک فرانسزجهده
یرینه کوره بشقه بشقه معنالرده آلدینی وتورکجهده ایسه عینی کلهینی بویله مختلف معناده
تلقی ایتک بالطبع هر وقت ممکن اوله مدینی معلوم عالیکزدر.

ظنمه کوره. بزده اصطلاحلرک قولایجه تقرر ایده مامسی، بالخاصه بوجهنک هر کسجه
تسلیم ایدلامسندن ایلری کلیور. ایسته نیورکه فرانسزجهده برکله قاچ معنایه کله بیلورسه
تورکجهدهده تمامیه عینی معنالی افاده ایده بیله چک نک برکله بولونسون. حال بوکه بو،
هر زمان قابل دکلدر وفرانسزجهده یرینه کوره مختلف معنالرده استعمال ایدیلن بر
اصطلاحی، تورکجهده ینه یرینه کوره، آیری آیری کلهلرله افاده ایتک ضرورتی واردر.
ازجهله، مربوط جدوله مندرج، Justice کلهسی فرانسزجهده، صورت عمومیهده
(عدالت) دیمک ایسهده - ministère de la Justice تعیرنده اولدینی وجهله - بعضاً
(عدلیه) معناسنه کلهدیکی کبی - Justice répressive تعیرنده اولدینی وجهله - بعضاًده
(قضا) معناسنده استعمال اولونور؛ تورکجهده بونلر مقابلنده بالطبع «عدالت وکالتی»،
«عدالت جزائی» دینه مز، دینیرسه مقصود معنایی هیچ افاده ایتمز. «عدلیه وکالتی».
«قضای جزائی» تعیرلرینک استعمالی طبعیدر.

ایشته بونک ایچوندرکه ارسال بیوردیفکزر جدولهده کی کلهلرک خذالرینه یرینه کوره
قولالاینه بیله چک اولان وخاطریه کلن تعیرلریده قید و اشارت ایدلم.
بالوسیله تأیید حرمت ایلرم افندم [۱].

جوابلر

بانبربرده ح. ک. آصف بکه :

یازیلریکز تبیع ومطالعه خصوصنده کی غیرتکزک دلییدر؛ ممنونیه اوقویه جفر
وایجابنده نشر ایده چکز. تبدیل دین سبیلله اسمنکده تبدیلی ایسته ن مدعی نک بوطلبنک
برسبب محق عد ایدیلوب ایدلمه مسی قضیه سی اوروپاچه تدقیق ایدلش مسائلدن اولدینی
بیلمه یورم. اوراده قاتولیک، اورتودوکس وحقی موسویلر عینی اسامی بی طاشیدقلردن

[۱] اصطلاحلره دائر کان جوابلری بردن نشر ایده چکز.

تبدیل دین اسمک تبدیلی مادهٔ ایجاب ایندیرمز . بزده تبدیل دینک اسم دیکشدرمک ایچون بر سبب بحق عد ایدلسی دها زیاده وارد در .

— موضوع بحث ایندیککز ایکنجی مسئلهیه کلنجه فی الواقع ۸۸ نجی مادهنک ایکنجی فقره سیله ۹۰ نجی ماده آراسنده . قانون مدنی رهبرنده اشارت ایدلیدی وجهله ، مبایت وار ایسه ده بو ، اسویچره قانونک ۹۶ نجی ماده سنده موجود (ابون ویا و سینک موافقتلری انضمام ایدرسه) قیدینک قانون مدینک ۸۸ نجی ماده سنه عیناً آلیوب آتجی (آنا و بابا و وصی دیکله بیلیر) طرزنده کی تحریر و تقینندن ایلری کلشدر . اسویچره ده اون یدی یاشنی اکال ایدوب هنوز یکریمی یاشنی آتام ایتهمش اولانلر ایچون فوق العاده حالدرده و مهم سبیلره بناءً قانتون حکومتی مساعده ویرسه و ارکک ویا قادین بوبابده مقتضی امرنامه بی استحصال ایتسه بیله ازدواج ایدم بیلیمک ایچون ابونینک موافقتلری شرطدر . حالبوکه بزم سکسان سکرنجی مادهیه بوقیدادخال ایدلمه مش و بوکارغماً اسویچره قانونک ۹۶ نجی ماده سنک مقابلی اوله رق ۹۰ نجی ماده عیناً اقتباس قلمشدر . قانون مدینک ۸۸ نجی ماده سی صراحتنه نظراً حاکم اون بش یاشنی اکال ایتهمش ارکک و قیزک اولنمسه ابونینی موافقت ایتسه بیله مساعده ویره بیلیر .

آتجی حادثه ده تصویر ایدلیککز وجهله اون بش یاشندن آشانی بر سند بولنان ارکک و قیزک ولوکه حملک تحقیقی مناسبتی ایله دخی اولسه واقع ازدواج مراجعتلرینک اسعاف ایدلیه رک مدت قانونیه بی یعنی اون بش یاشنی اکال ایلک اوزره انتظار مجبوریتنده بولوندینی مطالعه سنده یز .

آورده مشده آدرقات ح . اکرم بک :

اجرا قانونک بعض موادینک محتاج تعدیل و اصلاح اولدینی حقنمه کی فکرلریکزه اشتراک ایله برابر اخیراً اجرا قلنان تعدیلانک سرد بیوریلان محاذیری مهما امکان رفع ایدلیکندی ده تصدیق ایتک ایجاب ایدر . هر قانون کی اشبو اجرا قانونک ده حسن تطبیق مأمورین طائده سنک کویستره جکلری درایت و اقتدار و خلوص یته ، باغلیدر . کوچوک مبالغ ایچون ده یکی اجرا تعدیلاننده ، مهلتک برآیه تنزیلی خصوصنده اجرا رؤسائنه صلاحیت واسعه ویرلمشدر .

یکی تنظیم و تدوین ایدملکده اولان اجرا قانوننک کوستردیککمز محاذیری رفع ایدمک بر شکله و بر درجه اکلیتده اولق اوزره کلهجک دوره اجتماعیهده قبولی بکلنملکدهدر .

ج . قضای محکمہ اصلیه رئیس ع . بک :

تطبیقات قانوننک یکرمنچی و قرق برنجی مادهلرنده محرر مرور زمان مدتلی حقنهده کی احکامک یکدیگرندن آیری و مستقل اولدینی مطالعهسندیز .

العزیزه آدرفات امیر رشاد بک :

بارو مجموعه سنک سنه لک آونیه سی ۲۵۰ غروشدرد . بک مفید و قیمتی مقاله لرله انتشار ایتکدهدر .
توصیه ایدهرز .

مبوسلی : غاد فرانفر

قانونه مدنی

کفالت عقدی و مکتسب حق

محترم اجرا رئیس احمد رفیق بک افندی « حقوقی بیلکیر مجموعه سی » نك مارت نسخهسندده کفالت حقنهده بر بند نشر ایتدیلر . بوراده دیورلرکه : « ملغا مجلهه موجبنه کفالت بر شینک مطالبه سی حقنهده ذمتی ذمه ضم ایتمکدر . عقد کفالتله کفیل نفسی بورجلی به علاوه و بوصورتله بورجلی طرفی اصل و کفیل تشکیل ایدر . بونک ایچون اصل آلاجنفی مطالبهده بخیردر . هر برندن آیری ، آیری و یا هر ایکیسندن مطالبه ایدر . بورجلر قانوننک تاریخ مرعیتدن اول اصل و کفیلک تمهدلرینی متضمن و نأفک تنفیذی خصوصنده احکام سابقه نك اساس اتخاذا طبعیدر . چونکه حین عقد کفالتده آلاجلینک بورجلی ايله کفيله مراجعت صلاحیتنه مستنداً عقده راضی اولدینی ظاهر اولوب بواعتبارله برحق مکتسبی موجوددر . حقوق مکتسبه به قارشی احکام جدیده ماقبلنه شامل اولاماز . بوايضاحاته کوره مجله زماننده یاپیلمش اولان بر کفالت عقدینک کفيله قارشی آلاجلی به بخش ایتدیکی صلاحیت مکتسب برحقدر . بناءً علیه بورجلر قانوننک